

Wednesday, June 4, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

WORLD ENVIRONMENT DAY

World Environment Day chu naktuk June ni 5 hian khawvel hmun dangte rualin Mizoram pumah “Beat Plastic Pollution” tih thupui hmangin hman a ni dawn.

s

World Environment Day kumina thupui hi kum kalta a plastic in khawvel a tih buai nasat vanga Plastic atanga khawvel chhan chhuah na lam hawi a ni dawn a, Aizawl Divisional Forest Officer Pu Lalnunsanga Khawlhling chuan Akashvani palai nen an inkawmna ah Mizoram ah environment tha tak a awm thu leh boruak thianghlim bakah, khawlum lutuk leh te khaw vawt lutuk te chu Mizorama chengte chuan an la tuar lo a ti a, hei Mizoram vanneihna ani tih sawiin humhalh uar a pawimawh thu a sawi.

Pu Lalnunsanga Khawlhling chuan tunhnaiah Mizoram ramngaw hrang hrang a chereu tih sawiin ramsa leh nungcha tam tak pawh an chereu mek a ti a, humhalh an ngai takzet tih sawiin sik leh sa inthlak danah ramngaw humhalh loh chu tuar thei anni tih sawiin mipuite tanrual a pawimawh a ti a, sik leh sa inthlakah natna pung thei a tam phah tih sawiin heng laka him theihna tur chu ramngaw leh nungcha humhalha tih chereu loh ani tih a sawi.

Pu Lalnunsanga Khawlhling chuan khuarel thil inthlak chu tlansan theih a ni lo ati a, ram pakhat tana hlahhawm bik nilo in, khawvel ram zawng zawng in environment inthlak chu an tuar thin a ti a, Mizoram ah tuilian tak emaw hmun danga nasa taka a thawh ang tuar lo mahse heng hun awmdan inthlak in natna a ken tel chu tuar thei an ni a ti a, invenna tha tak an neihloh avangin eizawna leh mihring hriselna nghawng thei a tam avangin ramngaw humhalh chu tih makmawh a ni tih a sawi.

Aizawl Divisional Forest Officer chuan Mizoram ah July 2022 atangin hman khat daih plastic hman khap ani tawh a ti aa, duh ang in hma a sawn lo tih sawiin hei hian chhiatna tam zawk a thlen thei a ti a, thingphun lam uar deuh tur leh mi tin te khuarel in a ken tel ngaina tura chah in Mizoram boruak thianghlim tak chu ngaihhlut a pawimawh thu a sawi a ni.



OCULAR TRAUMA

Aizawl Civil Hospital-a Eye Dept a Head of Dept Dr Lalhuthangi Hmar chuan mit enkawl uluk a pawimawh tih sawiin mita bawlhhlawh a luhin nuai mai loa tuia fai taka sil a pawimawh a ti.

Dr Lalhuthangi Hmar chuan mit hliam palha thi a chhuak anih chuan doctor pan vat tur a ni a ti a, mitmu dum hmaa mit darthlalangah bawlhhlawh a tang a nih chuan doctor pan tur a ni a, rei rial loh tur a ti a ni.

Hliam a awm hrim hrim chuan tihfai a, a theih chuan antibiotic eyedrop, thingtlangah chuan gentamycin eyedrop tih te a thlawr theih a ni a ti a, superglue ang chi te chu sil bawrh bawrh tur a ni a, mahnia enkawl tur a ni lo a ti a, heng bakah hian Grinder leh Welding khawih zingah thir them a lut duh thin tih sawiin fimkhur a ngai hle a ti a, hengah hian mit chu nuai mai lo tur leh tuia sil fai a pawimawh tih sawiin a fiah theih mai loh chuan Doctor rawn vat a pawimawh tih a sawi.

Byte...Dr Lalhuthangi

Mithiam te sawi danin mita bawlhhlawh leh thir them awm hi lak chhuah lohva rei tak a awm chuan mit ulcer a thlen thei a, heng bakah hian tauh palh emaw accident emaw avanga mit meng theilo ten enkawl na tha tak an hmuh theih nan doctor pan vat a pawimawh hle a ni.



NHM RECRUITMENT

Centre for Environment and Social Justice (CESJ) chuan dan bawhchhiaa NHM hnalak chu hna zawngtute dikna chanvo rahbehna leh palzutna anih thu an sawi.

CESJ chuan tunhnaia Health Department hnuaia hnalakah, Advertisement pawh chhuah loa. National Health Mission (NHM) hnuaia post 7; Lab. Technician- 3, Staff Nurse- 2, Asst. Data Manager-1 leh Executive Asst.- 1 te chu Advertisement tello a lak ngei an ni an tia, he hna lak hi cancel leh turin NHM hotute an ngen tih sawiin Sawrkar hna ruak chu Employment Exchange- a registration card neite'n an hriat vek theih nan hna ruak neitu department chuan, Employment Exchange a hriattir (notify) tur niin The Employment Exchange (Compulsory Notification of Vacancies) dan a awm bakah Supreme Court-in Order a chhuah ang in Employment Exchange hriattir mai bakah chanchinbu ah pawh hna ruak advertisement hi tih chhuah thin tur a ni anih laia advertisment pawh chhuah loa hna lak a ni chu thalai hna zawngtute dikna chanvo rapbet leh palzuta na a ni an ti a, NHM hnalak dan chu rorel na fel lo leh dik lo ah ngaiin cancel turin an duh bakah hna zawngtuten rualkhai taka dil theih turin advertisment chhuah turin an ngen a ni.

Mizo Zirlai Pawl MZP General Headquarters chuan NHM hnalak chungchangah hian thuchhuah siamin an duhloh zia an sawi a, Advertisement leh dan tlawhchhan awm mumal loa hna lak a awm ngei thu an sawi bakah, tun thla ni 10 ral hma ngeia heng hna lakte hi sut nghal turin sawrkar an ngen a ni.



PM MODI

Prime Minister Narendra Modi chuan vawiin hian New Delhi ah Union Council of Ministers thutkhawm a kaihruai dawn a, He thutkhawm hi Pahalgam a firfiak te chet hnu leh Pakistan te laka lungawilohn lantir na Operation Sindoor hnua inhmuhkhawm leh hmasa ber a ni dawn a ni.

Prime Minister Narendra Modi chuan kum 11 kalta chhung khan India chuan tunlai thiamna hmanga khuarel thil hman thiam kawngah India chuan nasa takin hma a sawn a ti a, India chu khawvela economy thangchak ber a nitih sawiin Modi 3.0 hnuai ah hmasawнна nasa tak a kalpui anih thu a sawi a ni.

Prime Minister Narendra Modi hian twitter kaltlangin Republic of Korea President thar Lee Jae Myung chu a lawmpui thu a sawi a, Pu Modi chuan India leh Korea chuan thawhdunna tha zawk an neih zel a beisei thu a sawi bawk.

